



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Expositio Cavsarvm Quibus S. R. M. Sveciae bellum à
Rege Regnoque Daniae sibi illatum, etiam post Pacem
Roschildiae initam, continuare coacta fuit**

Coyet, Peter Julius

[S.l.], 1658

Lit. CCC. Legatorum Suedicorum Projectum posterius in causa Guineensi.
Exhibitum Commissariis Daniels Haffniae d. 18. Julii Anno 1658.

urn:nbn:de:hbz:466:1-10534

autem ne his prædicta summa impleri poterit, omne id quod restabit à S. R. M. Regnoque Daniæ, aut ipsius mandatario, Societatis Suecorum Africanæ Plenipotentiario Hamburgi intra annum & diem, computationis initio à tempore subscriptionis sumto, certissimè præsentì pecunia numerabitur. Interea S. R. M. Regnumque Daniæ S. R. M. Sueciæ aut ejus Subditis, Societati Suecorum Africanæ privilegiatæ, vel per certos aliquos mercatores Hamburgenses fidem suam interponentes, vel per terras quasdam in assecurationem solutionis prædictæ summæ oppignerandas, satisfactionem præstare tenebitur.

Lit. CCC.

Legatorum Suedicorum Projectum posterius in causa Guineensi. Exhibitum Commissariis Danicis Hassniæ

d. 18. Julii Anno 1658.

AB utraque etiam parte constitutum & approbatum est, ut juxta tenorem articuli undecimi Pactorum Roschildensium S. R. M. Regnoque Daniæ teneatur S. R. M. Regnoque Sueciæ, ut & Suecorum Societati Africanæ privilegiatæ restituere omne illud, quicquid Henricus Carloffius & ipsius Complices, per S. R. M. Daniæ concessam Commissionem, tam in alto mari & navium statione, quam in terra & littoribus Guineæ abstulere, & ante pacificationem Tolstrupensem neque in Daniæ neque Hollandiæ portum deduxerunt: ut & resarcire & compensare omne istud damnum, quod alte memoratæ S. R. M. Sueciæ, & Societati Suecorum Africanæ per expeditionem istam & Munimentorum occupationem datum esse potuit, nempe taliter & in hunc modum: ut S. R. M. Regnumque Daniæ statim sine ulla mora, prætextu, vel excusatione sæpe dictæ Societati Africanæ omnes illas merces, vel in natura, vel si jam divenditæ & alienatæ sunt, præsentì pecunia restitui faciat, de quibuscunque probari poterunt, quod à Carloffio nuper ex Guinea Glückstadium ad Albim allatæ, & S. R. M. Sueciæ subditis ereptæ sint. Reliqua vero quod concernit, quæ in Guinea adhuc reperiuntur, & ob locorum longinquitatem restitui jam nequeunt, sive sint occupatum Castellum Capo-Cors, vel alia Suecorum Munimenta & Domus mercatoriæ in littoribus Guineensibus, sive ibi relicta mobilia, ut aurum, navium operationes seu Cargaisons, annona seu cibaria, supellex, mancipa, pecuniæ quæ Societati ibidem debentur, omnis generis naves, apparatus bellicus, arma & tormenta, vel omne aliud, quocunque demum nomine venire possit, quod Suedica Societas ibi habet, & hætenus contra ipsius voluntatem distractum & alienatum est: ut & damna S. R. M. Sueciæ Ejusdemque subditis per expeditionem istam data & inflicta à S. R. M. Regnoque Daniæ statim atque navis quædam à
Soc.

Societate Africana expediri & ad recipienda ista omnia eò mitti poterit; Societatis Suecorum Africanæ Plenipotentiario ibidem sine omni tergiversatione restituentur & tradentur, datum verò damnum debite & secundum æquitatem resarciatur & compensabitur. Et ne circa summam istam controversiis locus relinquatur, ita ut vel in infinitum extendatur, vel nimis minuatur & parvi pendatur, & exinde dissidia forsitan nascantur, ex æquo & bono ita inter nos convenit, ut omnia ablata mobilia & inflictæ damna, præter ipsum Castellum, Munimenta, Domus mercatorias in littoribus, una cum ibidem existentibus tormentis bellicis tam æneis quam ferreis, æstimata fuerint
 quam summam S. R. M. Regnumque Daniæ Societati Suecorum Africanæ solvet & satisfaciet forma & modo jam præscribendo: scilicet ut omne id, quod nunc Glü. kstadii, sive sit navis ipsamet, vel quas continet merces ac bona, pro decenti ac ordinario pretio restitutum fuerit, à dicta summa
 nummum imperialium deurtetur; similiter quicquid in Guinea ex ibidem relictis & adhuc existentibus rebus quam primum reddi potest, juxta pretium quod ibi locorum obtinet, adhibita æquitate æstimetur, & promissæ summæ detrahatur. Quod si vero isthæc omnia summam istam
 nummum imperialium, de qua invicem convenit, implere non poterunt, quicquid restabit ac desiderabitur, S. R. Mai. Regnumque Daniæ, aut ejus mandatarius Societatis Suecorum Africanæ Plenipotentiario Hamburgi, intra annum & diem, initio computationis à die subscriptionis sumto, certissimè præsentem pecuniam in banco numerabit. Et ut huic rei major certitudo ac robur accedat, & promissæ restitutio præfinito modo ac tempore sine ulla tergiversatione & ambagibus re ipsa præstetur & executioni mandetur, S. R. M. Regnumque Daniæ certos quosdam mercatores Hamburgenses eo adduxit, ut datis propterea chirographis, receperint, se summam isthanc, tanquam suum debitum soluturos, si quidem Danos restitutionem procrastinare & differre contigerit. Quæ
 summa
 augebitur & extendetur usque ad
 nummum imperialium pro Castello Capo-Cors & aliis Succorum Munimentis ac Domibus mercatoriis in littoribus Guinæ, si forsitan præter spem in aliorum interea redacta forent potestatem, ut vel ideo Dani eadem sæpissime dictæ Societati debito modo restituere nequirent, quemadmodum mercatorum, quorum supra mentio facta est, chirographa, & literæ, ut vocant, obligatoriæ pluribus id ostendunt & explicant.